

03- March. 2026

समे 18:15 Hrs

<><><><><><>

Headlines

- केन्द्र आसेआ अज्ज जम्मू च राष्ट्रीय शासन सम्मेलन दा आयोजन कीता गेआ। केन्द्रीय मंत्री डाक्टर जितेन्द्र सिंह ते मुखमन्त्री उमर अब्दुल्ला होरें सांझे तौरा पर इस कार्यक्रम दा उदघाटन कीता।
- उपराज्यपाल मनोज सिन्हा होरें श्रीनगर दे लोकभवन च सेना दे आला अधिकारियें ते डी.जी.पी. कन्नै मौजूदा सुरक्षा हालात बारे तफसीली चर्चा कीती।
- कश्मीर दे सबनें जिले च लाई गेदी पाबंदियें दे कारण आम जन-जीवन अज्ज लगातार दुए रोज बी प्रभावित रेहा।
- कल मनाए जाने आहले “होली” दे त्योहार गी दिक्खदे होई ट्रैफिक पुलस जम्मू नै परामर्श जारी कीता ऐ।
- ते भारत च अज्ज दपैहरी 3 बजियै 20एं मिनटें शा लेइयै 6 बजियै संतालियें मिनटें तगर इस बरे दा पैहला चन्द्रग्रहन लगगे दा ऐ।

<><><><><><>

National Gov. Conference

प्रशासनिक सुधारें ते जन-शकैतें सरबन्धी केन्द्रीय मैहकमे नै जम्मू-कश्मीर, सरकार कन्नै रलियै अज्ज जम्मू च इक-रोजा National Governance Conference दा सरिस्ता कीता। केन्द्रीय राज्यमंत्री डाक्टर जितेन्द्र सिंह ते मुखमन्त्री उमर अब्दुल्ला होरें सांझे तौर पर एहदा उदघाटन कीता। इस दौरान 2023 ते 2024 दौरान प्रधानमंत्री हुं'दे आसेआ शुरु कीते गेदे सफल जत्तें ते नवाचार सरबन्धी जिला प्रशासन मॉडल गी दर्शाया गेआ। इस दौरान इक विशेष सत्र च जम्मू-कश्मीर दे बेहतरीन तौर-तरीके ते कम्में कारवाइयें बारे जियां ई-सुविधा ते RFID आहले यात्रा प्रबंधन बारे दसेया गेआ। तकरीबन 200 थमां मते डेलिगेटस कार्यक्रम च शामिल होए।

<><><><><><>

LG –Security Scenario

उपराज्यपाल मनोज सिन्हा होरें श्रीनगर दे लोकभवन च उत्तरी कमान दे GoC in-C लैफ्टिनेंट जनरल प्रतीक शर्मा- DGP जम्मू-कश्मीर नलिन प्रभात- लैफ्टिनेंट जनरल प्रशांत श्रीवास्तव GoC 15 कोर दे मेजर जनरल बलबीर सिंह MGGS- उत्तरी कमान हुं'दे कन्नै मौजूदा सुरक्षा परिदृश्य पर गहन विचार-विमर्श कित्ता। एह उल्लेखनीय ऐ जे उपराज्यपाल सिन्हा होरें केन्द्र शासित प्रदेश च स्थिति दा आकलन करने लेई इक मार्च गी

जम्मू च इक उच्च स्तरीय सुरक्षा समीक्षा बैठक दी अध्यक्षता कीती ही। पच्छिम एशिया च मौजूदा स्थिति त मद्देनजर आयोजित इस बैठक मुख सचिव अटल डुल्लु- उपमुखमंत्री- वरिष्ठ अधिकारी- उपायुक्त ते एस.एस.पी होर उपस्थित हे।

<><><><><><>

Kashmir Situation

ईरान च अमरीकी- इज़रायल बमबारी च ईरान दे सर्वोच्च नेता आयातुल्लाह सैयद अली खामेनेई हुंदी हत्या दे विरोध च घाटी दे किश हिस्सें च होए प्रदर्शनें दे बाद कश्मीर दे सबै जिलें च लाए गे प्रतिबंधें करी- लगातार दुए दिन बी कश्मीर क्षेत्र च जनजीवन प्रभावित रेहा। मौजूदा स्थिति गी दिक्खदे होई कनून बवस्था बनाए रखने- शांतिपूर्ण माहौल यकीनी करने ते कुसै बी अप्रिय घटना गी रोकने लेई एहतियाती कदम चुके गे ना। कश्मीर च अज्ज लगातार दुए दिन सबै सरकारी ते निजी स्कूल ते कालेज बंद हे। सरबंधित संस्थानें आसेया अगली सूचना जारी होने तोड़ी म्तेहान बी स्थगित करी दिते गे ना।

<><><><><><>

World Hearing Day

विश्व सुनने सरबंधी ध्याडा “World Hearing Day” दे मौके पर स्वास्थ्य विभाग नै अज्ज ANMT स्कूल पुंछ च समुदायें थमां कक्षाएं तोड़ी सबै बच्चें लेई श्रवण दिक्खभाल शीर्षक कन्ने इक जागरुकता कार्यक्रम दा आयोजन किता। इस कार्यक्रम दा मकसद बच्चें च श्रवण दिक्खभाल दे महत्व ते सुनने च दिक्कत दा तौले गै पता लाने ते रोकथाम दी जरूरतै दे बारे च जागरुकता फैलाना हा। स्वास्थ्य विभाग दे प्रशिक्षित प्रशिक्षकें नै छात्रें गी सम्बोधित किता ते विश्व श्रवण दिवस दे महत्व पर लौऽ पाई जेडा हर बरे 3 मार्च गी विश्व भर च कन्ने ते श्रवण दिक्खभाल गी बढावा देने लेई मनाया जंदा ऐ ANT स्कूल सम्भावना दे प्रभारी होरें आखेया

<><><><><><>

World Wildlife Day

विश्व जंगली जीवें सरबंधी दिवस दे मौके पर किशतवाड जंगली जीवें सरबंधी विभाग नै इनें जंगली जीवें दे संरक्षण दे महत्व ते क्षेत्र दी जैव विविधता दी राक्खी दी जरूरतै दे बारे च जागरुकात बदाने लेई इक विशेष कारजक्रम दा आयोजन कीता। कारजक्रम च बोलदे होई जंगली जीव विभाग दे अधिकारियें नै मकामी समुदाय गी जंगली जीवें दे शिकार ते अवैध शिकार थमां बचाने दी अपील कीती ते परिस्थितक संतुलन बनाए रक्खने च वन्यजीवें दी महत्वपूर्ण भूमिका पर जोर भरेया। किशतवाड राष्ट्रीय उद्यान दा घर किशतवाड वनस्पतियें ते जीवें दी समृद्ध विविधता दा घर ऐ- जेडा संरक्षण प्रयासें गी मता महत्वपूर्ण बनांदा ऐ। वन्यजीव विभाग दे इक कर्मचारी Mujtaba Malik होरें आखेया

<><><><><><>

Holi- Traffic Advisory

कल्ल मनाए जाने आले “होली” दे त्योहार गी ध्यानै च रखदे होई ट्रैफिक पुलस नै जम्मू शैहरें च गड्डियें दी बवस्थित ढंगै सिर आओ-जाई ते लोकें दी सुरक्षा यकीनी बनाने लेई व्यापक परामर्श जारी कीता ऐ। परामर्श च साफ तौरा पर आखेआ गेदा ऐ जे तेज रफ्तार कन्नै चलाने आहलें खिलाफ- शराब पीय्यै गड्डी चलाने आहलें खिलाफ ते Stunt Biking ते बगैर हैलमेट दे गड्डी चलाने आहलें खलाफ सख्त कार्रवाही कीती जाहगा। एहदे च मुख करियै ध्यान Stunt Biking पर दिता गेदा ऐ- कीजे एहदे कन्नै बाईक सोआरें दी जान गी खतरा ते होंदा गै ऐ- कन्नै गै आम लोकें आस्तै बी इक खतरा पैदा करदा ऐ। अधिकारियें “होली” दे सरबंधें च लोआए जाने आले कार्यक्रमें दे आयोजन ते आम लोकें गी निर्देश दिते न जे इस उत्सव दौरान सुरक्षित ते बिजन कुसै परेशानी दे आम्दोरफ्त गी यकीनी बनाने लेई ट्रैफिक नियमें दा सख्ती नै पालमा करन।

<><><><><><>

Holi-Prep.

देशे दे होरनें हिस्सें आला लेखा जम्मू च बी कल मनाए जाने आले रंगें दे ध्यार होली लेई तैयारियां जोरें-शोरें चला करदियां न। जम्मू शैह्ला दे बजारें च इ’नें दिनें होली गी लेइयै बडी मती रौनक दिक्खी जा’रदी ऐ ते लोक, रंगें, गुलाल, पछकारिएं ते मठेआइयें दी खरीदारी करा’रदे न। होली दे मद्देनजर बच्चें ते नौजोआनें अंदर मता जोश ऐ। हिरख-प्रेम, एकता ते भाईचारे दिएं तंदें गी मजबूती देने ते बुराई पर अच्छाई दी जित्त दे प्रतीक होली दे महत्व बारै मकामी लोकें अपनी उत्सुकता जाहिर करदे होई आखेआ।

<><><><><><>

Lunar-Eclipse

इस ब’रे दा पैहला-पैहला चंद्र ग्रैहण अज्ज दपैहरी मगरा3 बज्जियै 20एं मिटें पर शुरू होआ ते संझा 6 बज्जियै 47 मिटें तगर लग्गे दा रौह्गा। एह ग्रैहण भारत दे केई हिस्सें च दिक्खेआ जाई सकदा ऐ। हिंदू मानताएं मुजब ग्रैहण दा सूतक ग्रैहण लग्गने कोला 9 घंटे पैहले बडुलै 6 बज्जिए 20एं मिटें पर शुरू होआ जिस दरान कोई पूजा-पाठ जा धार्मिक रीति रवाज या अनुष्ठान नेई कीते जंदे जेहदे चलदे अज्ज बडुलै दा सब्बै मंदर बंद रक्खे गेदे न।

<><><><><><>

Walkathon Kathua

जिला प्रशासन कठुआ आसेया “अंतराष्ट्रीय महिला दिवस” दे जश्र दे इक हिस्सें दे तौरा पर जिले च मनाए जा रदे वूमेन वीक दौरान इक वॉकथॉन दा सरिस्ता कीता- जेहदे च महिला प्रतिभागियें बडे मते उत्साह कन्नै हिस्सा लैता। वॉकथॉन दौरान उनेंगी शारीरिक तंदरुसती च सुधार करने ते तनाव घट्ट करने सनें पैदल टुरने दे केई सेहत फायदें बारे दस्सेया-दसाया गेआ। इस मौके पर बोलेद होई कठुआ दे डिप्टी कमीशनर राजेश शर्मा होरें आखेआ जे महिलायें दे अधिकारें बारे जागरुकता पैदा करने लेई इय्यै जनेह कार्यक्रमें दा आयोजन कीता जंदा ऐ। उ’नें महिलायें गी गुजारिश कीती जे इस्सलै आयोजित कीते जा’रदे बक्ख-बक्ख कार्यक्रमें च हिस्सा लैन ते अपने अधिकारें बारे जागरुकता बनन। इस बारे बोलदे होई डी.सी. होरें आखेआ

<><><><><><>

Bal Vivah Mukht Bharat

उधमपुर च समाज कल्याण विभाग आसेया बाल विवाह मुक्त भारत अभियान दे तैहत जी.एम.सी. अस्पताल दे लेबर रुम वार्ड च कुड़िये दे कल्याण गी बढावा देने लेई नवजात कुड़िये गी बेबी किट्ट बंडे गे। जिला समाज कल्याण अधिकारी कनिका गुप्ता हुंदी अगुआई च एह पैहलकदमी “बेटी बचाओ- बेटी पढाओ” गतिविधिये दा इक हिस्सा ऐ। कनिका गुप्ता होंरे अपनी टीम कन्नै रलियै इने कुड़िये दिये माएं कन्नै गल्लबात कीती ते उनेंगी मैहकमे तरफा पूरा सहयोग देने दा भरोसा दोआया। एह पैहलकदमी औंदे अंतराश्ट्रीय महिला दिवस दे सिलसिले च आयोजित कीती जारदी गतिविधिये दा इक हिस्सा ही। इस बारे होंर मती जानकारी दिंदे होई उधमपुर दियां जिला समाज कल्याण अधिकारी कनिका गुप्ता होंरे दस्सेया

<><><><><><>